

ՄՀՄԻ անդամ պետությունների կառավարությունների լիազոր ներկայացուցիչների հանձնաժողովի նստաշրջան Դուբնայում (2010 թ. մարտի 25-26)

2010 թվականի մարտի 25-26-ը Դուբնայում կայացավ [Միջուկային հետազոտությունների միացյալ ինստիտուտի](#) (ՄՀՄԻ) անդամ պետությունների կառավարությունների լիազոր ներկայացուցիչների հանձնաժողովի հերթական նստաշրջանը:

Նստաշրջանին մասնակցելու նպատակով Դուբնա էին մեկնել ՄՀՄԻ-ում ՀՀ կառավարության լիազոր ներկայացուցիչ, ՀՀ կրթության և գիտության նախարարության գիտության պետական կոմիտեի նախագահ Ս. Հարությունյանը եւ կոմիտեի աշխատակազմի ղեկավար Կ. Հայրապետյանը:

Նիստերում քննարկվող հիմնական թեմաներն էին՝ ինստիտուտի **2003-2009** թթ. գործունեությունը, իրականացված կարեւորագույն ծրագրերի արդյունքները, ինստիտուտի ֆինանսական կոմիտեի նիստի արդյունքները, ինչպես նաեւ՝ **2010-16** թթ. զարգացման հեռանկարները: Օրակարգում էր նաեւ ՄՀՄԻ տնօրենի ընտրությունը. բաց քվեարկությամբ միաձայն ինստիտուտի տնօրեն ընտրվեց ՌԴ գիտությունների ակադեմիայի ակադեմիկոս Ա. Սիսակյանը:

Այցելության ընթացքում կոմիտեի նախագահը հանդիպել է նաեւ Մոսկվայի հայ գործարարների հետ: Հանդիպման ժամանակ պարոն Հարությունյանը ներկայացրել է Հայաստանում գիտության զարգացման եւ հնարավոր համագործակցության հեռանկարները:

Տեղեկատվության եւ հասարակայնության
հետ կապերի բաժին